




**I gn' a wêre, à Oûlgrand** (do 12 d' avri au 4 di may) nosse vî soçon Gaston Jaumotte donéve à



vîre sès bèlès oûves à l' maujhon Colsoul (Oûlpiti). On a yeu plêjhi à d' aler lès



riwêti di tot tot près.

S' il a dèdjà comincî à pinte èviè sès 14 ans, Gaston a tot d' minme sitî studyî dès ans à l' Acadèmèye dès Bias-Arts



di Brussèles po divnu d' mèsiti profèsseu di dèssin à

Inguèzèye, Dinant, Djodogne èt Oûlgrand. On timps il a minme sitî dins lès



mwinrneûs d' l' ARAPB (one soce di pintes) mins c' n' èst nèn dins sès mèyeusès sovnances.



Dins s' vikêriye, il a fait branmint d' tâvlès di "mwatès natûres". Come il avéve s' maujhone à l' campagne, il î amoncèléve dès tas d' cayèts èt clicotias di totès lès cougnes mins ça n' l'a nèn èspêchî di fé branmints d' pèyizèdjès èt minme, nèn l' dêrin d' sès raffiyemints, dès portèts d' nèn fwârt moussîye feumes.

Si c' èst po l' prumî côp k' on



pou voye sès ovaedjes dins s' prope vilâdje, Gaston a dèdja lèyî blèfer pa pa-dvant zèls ène miète pa tos costés è l' Bèlgike, ossi bèn amon lès

flaminds, dilé l' Grande Basse do Nord, k'a Brussèles po l' Univèrsele Expo di 1958. Maugré tot, c' èst co d'on portrèt fini è 1953 k' il èst l' pus fir. C' èst l' portrèt di s' marène, si grand-moman, ène (grande) miète à l' môde do grand Franz Hals do vî timps. C' ki gâte rén, c' èst k' nosse Djâmot di Gaston inme co



bén ètinde cauzer l' walon, Po l' fé djôzer c' è-st-ène miète pus malauji "on n' cauze nèn tèrtos parèy, ènn'don..."

\*

**Vèyoze voltîye Djulos Beaucarne ?** Savîz k'i fait èto rèxhe ène gazète è "Pdf" dsus lès galants d' l' arincrin, l' volèz lire ? Fyoze vos don conèxhe sins ratinde à [raph@julos.be](mailto:raph@julos.be) Alèz èto taper on ouy dsus <http://www.julos.be>

\*

**Alèz sawè si lès tchârs di fir da Bush** on tchôki foû l' Sâdâm mins, asteûre n'va-t-i nèn s' fé tchoûki pa lès tchârias d' ayatolâs èt d' molâs tchiyites ?

\*

**L' five do pètrole** n'a nèn l' âir di doner sovint dès bounès idèyes. Èt dire ki, vèla, sins chichi, i nd'a dèl place po dès molèns à vént !

\*

Ranche-t-on co après lès fwârt sipotchîyes lârmes ?